



# Unija studenata Univerziteta u Tuzli

Univerzitska broj 8, 75 000 Tuzla  
Tel: +387 61 452 478  
Email: [usut@untz.ba](mailto:usut@untz.ba)  
Web: [www.usut.org](http://www.usut.org)



**09.03.2017.god.**

**n/r Rektor Univerziteta u Tuzli**

## Predmet: Zahtjevi za postupanje

Poštovani,

Na sjednici Upravnog Odbora Unije studenata Univerziteta u Tuzli, održanoj 09.03.2017. godine u prostorijama Ascocijacije studenata Filozofskog fakulteta, koja je trajala od 09:30h do 14:00h, razmatrali su se donešeni zaključci sa sjednice Upravnog odbora USUT-a održane 07.03.2017. godine, kao i sa sastanka sa svim upravnim tijelima matičnih udruženja studenata fakulteta, održanom 08.03.2017. god. u 15:00h na Pravnom fakultetu. Pomenuta sjednica i sastanak su održani povodom događaja koji su se desili na našem Univerzitetu, čemu je prisustvovalo 120 studenata, predstavnika svojih fakulteta, predvođeni svojim predsjednicima Udruženja, te su na sjednici Upravnog odbora održanoj 09.03.2017. jednoglasno doneseni finalni zahtjevi, kako slijedi:

- Tražimo, da se odgovorne osobe koje su dovele do ovako lošeg stanja na Univerzitetu u Tuzli sankcionišu od strane Rektora Univerziteta u Tuzli na način: podnošenje ostavki Prorektora za nastavu i studentska pitanja, odnosno da ukoliko isti ne podnese ostavku, da istom Rektor Univerziteta ukaže nepovjerenje, kao i v/d Dekana Mašinskog fakulteta.
- Tražimo, da se svim Dekanima fakulteta/akademija Univerziteta u Tuzli, koji su dobili natpolovičnu većinu prisutnih na NNV-u matičnog fakulteta, DA saglasnost, izuzev v/d Dekana Mašinskog fakulteta.
- Tražimo, od Rektora Univerziteta, da pokrene hitne izmjene Statuta Univerziteta u Tuzli, da se omogući da Dekan može biti član Senata, odnosno da riješi sve pravne nedoumice ukoliko postoje.
- Tražimo, da se sve snage Univerziteta u Tuzli uključe, odnosno usmjere u rješavanju studentskih problema, koji su se nagomilali, a čije rješavanje se konstantno „stavlja pod tepih“ a iz svega priloženog vidimo samo „borbu za fotelje“.
- Tražimo, od strane JU Univerziteta u Tuzli da se objelodani koji profesori predaju na privatnim fakultetima, a istovremeno su uposlenici istog.
- Tražimo, od Univerziteta u Tuzli, da pokrene sve moguće pravne i akademske aktivnosti da se obustavi dalji proces legalizacije Medicinskog fakulteta na Univerzitetu Kallos, te da se pokrene inicijativa za obustavu otvaranja daljih

studijskih programa i odsjeka na privatnim fakultetima, a koji već postoje na Univerzitetu u Tuzli.

- Tražimo, od Vlade TK-a da se svom energijom i sredstvima uključe u razvoj Univerziteta u Tuzli, jer bez podrške osnivača ne možemo mnogo, te da se posebna pažnja posveti fakultetima koji nemaju svoj prostor.
- Tražimo, da se prilikom primanja u radni odnos na Univerzitet u Tuzli odaberu najbolji i najspasobniji kadrovi, a posebna pažnja da se obrati na zlatne studente, te da im se nakon završetka studija, u skladu sa mogućnostima, obezbijedi da ostanu na Univerzitetu u Tuzli, odnosno da im se ponudi radno mjesto na kojem mogu dati doprinos društvenoj zajednici i nastaviti svoje usavršavanje.
- Tražimo da se obrati pažnja na studentske domove, odnosno sredstva koja već postoje, kao vlastita sredstva od Studentskog Centra Univerziteta u Tuzli, te da se ta sredstva utroše, da bi se isti adaptirao, sve u cilju poboljšanja studentskog standarda, jer sramotna je činjenica da oko hiljadu studenata koji dnevno koriste usluge studentskog restorana, u vrijeme kišnog perioda „trebaju nositi kišobrane“ da bi na miru ručali i večerali u istom.

Oštro osuđujemo incident, koji se desio 05.03.2017. godine u prostorijama RGGF-a, te smatramo da je Univerzitetu u Tuzli nanesena ogromna šteta, koju će biti jako teško ispraviti, ukoliko se sve snage koje djeluju na i oko Univerziteta ne uključe jedinstveno u dalji rad **NAŠE Institutucije**. U suprotnom se „ne piše dobro“, svima nama.

Zahtijevamo od svih relevantnih institucija, kao i pojedinaca da poduzmu sve časne mjere i riješe novonastalu situaciju u korist Univerziteta u Tuzli, a ne u korist pojedinca.

**S obzirom na navedene zahtjeve, molimo Rektora Univerziteta u Tuzli, profesora Samira Nurića, da ukoliko ne ispuni navedene zahtjeve, a koji se odnose na njegovu nadležnost, da podnese ostavku.**

Dostaviti:

1x Rektor Univerziteta u Tuzli,

1x arhiva USUT-a

Predsjednik Unije studenata Univerziteta u Tuzli

M.P.

Nedžad Hodžić